

საკონფერენციო ნაშრომის შესრულების წესი

ყოველწლიურ მრავალდარგობრივ საკონფერენციო პრომთა კრებულში წარმოდგენილი ნაშრომები ეძღვნება ჰუმანიტარულ, საბუნებისმეტყველო, სოციალურ და საინჟინრო მეცნიერებათა ყველა დარგის აქტუალური საკითხების კვლევას. გამოცემის მიზანია, ხელი შეუწყოს ქართველი და უცხოელი ავტორების, განსაკუთრებით, ახალგაზრდა სპეციალისტების, მეცნიერული ძიების გაღრმავებას, ორიგინალური კონცეფციების წარმოჩენას, აკადემიური კონტაქტების გაფართოებასა და ერთობლივი სამეცნიერო – კვლევითი პროექტების შექმნას. კრებული გამოიცემა კონფერენციების ჩატარების მიხედვით.

ნაშრომის მიღების წინაპირობა: ეროვნულ თავდაცვის აკადემიაში ყოველწლიურად ტარდება სხვადასხვა ტიპის შიდა და საერთაშორისო კონფერენციები: სამხედრო, სამეცნიერო, სტუდენტური (მაგისტრატურა, ბაკალავრიატი). ნაშრომის ავტორი უნდა იყოს დოქტორი/მასთან გათანაბრებული აკადემიური ხარისხის მქონე პირი, დოქტორანტი, მაგისტრი/მაგისტრანტი ან ბაკალავრი.

კონფერენციაში მონაწილეობის მსურველმა რეგისტრაციის გავლის მიზნით, უნდა წარმოადგინოს განაცხადი ელექტრონულად. ნაშრომში დაცული უნდა იყოს გამოყენებული წყაროს დამოწმების სტილი და ნაშრომის წარმოდგენის წესი. სარედაქციო კოლეგია განიხილავს ნაშრომს, რომელიც გაფორმებულია საკონფერენციო ნაშრომთა კრებულში ნაშრომის შესრულების წესის შესაბამისად.

გამოსაქვეყნებელი ნაშრომი გაგზავნილი უნდა იქნას ელექტრონული სახით მითითებულ მისამართზე (conference@eta.edu.ge). აპლიკანტმა ნაშრომის გაგზავნასთან ერთად უნდა მიუთითოს თარიღი და იმ კონფერენციის დასახელება რომელშიც აპირებს მონაწილეობის მიღებას.

მოთხოვნები საკონფერენციო სამეცნიერო ნაშრომის გასაფორმებლად

ნაშრომის აკრეფისას გამოიყენეთ მხოლოდ უნიკოდური ფონტი. ქართული ტექსტისთვის გამოიყენეთ Sylfaen ფონტი, ხოლო სხვა ენისთვის Times New Roman.

ნაშრომის წარმოდგენის წესი: სტატიის ენა - ქართული და ინგლისური; ფურცლის ზომა A4; მინდორი: ყველა მხრიდან 2.0; გვერდების რაოდენობა - 8-15;

საკონფერენციო ნაშრომის ტექსტის ფორმატი:

საკონფერენციო ნაშრომის სახელწოდება - ცენტრში(Center), გამუქებული (Bold), შრიფტის ზომა -14, შესრულებული უნდა იყოს ორ ენაზე: ქართული და ინგლისური (სავალდებულოა);

ავტორის სახელი, გვარი - ცენტრში, გამუქებული, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა);

ავტორის/ავტორების:

ორგანიზაცია/სასწავლო დაწესებულება - ცენტრში, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა);

ავტორის/ავტორების:

აფილირება/თანამდებობა/მაგისტრანტი/დოქტორანტი/ბაკალავრიატის იუნკერი/სტუდენტი - ცენტრში, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა);

სამეცნიერო წოდება და ხარისხი ცენტრში, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა).

აბსტრაქტის შესრულების წესი:

აბსტრაქტი - ცენტრში, გამუქებული, შრიფტის ზომა 12, შესრულებული უნდა იყოს ორ ენაზე: ქართული და ინგლისური (სავალდებულოა).

აბსტრაქტის ტექსტი - გათანაბრებული (justify/ Ctrl+J), შრიფტის ზომა 10; სტრიქონებს შორის მანძილი -1, აბზაცებს შორის მანძილი-0 (Paragraph, After 0), აბზაცის ყველა ხაზი უნდა იყოს თანაბრად დაშორებული მარჯვენა ველიდან. თითოეული აბზაცის პირველი სტრიქონი უნდა იყოს შეწეული (5 პოზიციით). აბსტრაქტის ტექსტის მოცულობა უნდა იყოს 300-500 სიტყვა. შესრულებული უნდა იყოს ორ ენაზე: ქართული და ინგლისური (სავალდებულოა).

უცხოელ ავტორებს არ ევალებათ ქართულენოვანი აბსტრაქტის გამოგზავნა.

საკვანძო სიტყვები - (მინიმუმ 5 სიტყვა/სიტყვათა კომბინაცია) უნდა იყოს ორ ენაზე: ქართული და ინგლისური (სავალდებულოა).

საკონფერენციო ნაშრომის ტექსტი - გათანაბრებული (Justify/Ctrl+J), შრიფტის ზომა 12; სტრიქონებს შორის მანძილი -1,5; აბზაცებს შორის მანძილი - 0(Paragraph, After 0). აბზაცის ყველა ხაზი უნდა იყოს თანაბრად დაშორებული მარჯვენა ველიდან. თითოეული აბზაცის პირველი სტრიქონი უნდა იყოს შეწეული (5 პოზიციით).

გამოყენებული ლიტერატურა - უნდა განთავსდეს ახალ გვერდზე, ცენტრში, შრიფტის ზომა - 12.

საკონფერენციო ნაშრომის სტრუქტურა უნდა მოიცავდეს შემდეგ ნაწილებს:

შესავალი - თემის არეალი და მნიშვნელობა, ნაშრომის აქტუალობა, მკითხველისთვის საკითხის გაცნობა, აღნიშნულ თემაზე ჩატარებული კვლევების ანალიზი/მიმოხილვა და საკუთარი ჰიპოთეზის ჩამოყალიბება.

ამ თავში განხილული უნდა იყოს თუ, რატომ არის მკითხველისთვის ნაშრომი ღირებული მეცნიერული კუთხით.

ძირითადი ნაწილი - მოიცავს კვლევის მეთოდოლოგიას და მიღებულ შედეგებს;

დასკვნითი ნაწილი - მოიცავს მიგნებებს, შესაძლო რეკომენდაციებსა და სამომავლო პერსპექტივებს.

გამოყენებული ლიტერატურის ნუსხა - ბიბლიოგრაფიაში აღნუსხული ლიტერატურა არ ინომრება და არ ინიშნება, ჩამონათვალი უნდა დალაგდეს ანბანური თანმიმდევრობით ავტორების (ასეთის არარსებობის შემთხვევაში, სათაურის) გვარების მიხედვით, ჯერ ქართული, შემდეგ უცხოური გამოცემები. ბიბლიოგრაფიული მონაცემები არ ითარგმნება და წყარო მოწმდება დედნის ენაზე. მაგალითად, ინგლისურენოვან წყაროებს მითითება ხდება ინგლისურ ენაზე.

სქოლიო

სქოლიო თავსდება სტატიის ტექსტში გვერდების ბოლოს. შესაძლებელია ჩანდეს როგორც სტატიის ტექსტში ციტირებული და პერიფრაზებული **წყარო** (ლიტერატურა, ნორმატიული მასალა, სასამართლო პრაქტიკა), რომელიც ინომრება ციფრებით (შრიფტის ზომა-10), ასევე, ავტორისეული შენიშვნები (განმარტებები), აღინიშნება ფიფქით * და შესაბამისად, არ ინომრება.

წყაროს მითითება უნდა გაკეთდეს არაბული ნუმერაციით სქოლიოს (footnote) სახით. (ციტირებების მოსანიშნად ვიყენებთ არაბულ რიცხვებს, რეფერირების დასამატებლად წინადადების ბოლოს, სასვენი ნიშნის შემდეგ გადავდივართ References მენიუში და ვაჭერთ Insert Footnote).

ტექსტში მოცემულ სქოლიოს უნდა უსწრებდეს ჩამკეტი სასვენი ნიშანი (წერტილი, ძახილის ნიშანი, კითხვის ნიშანი). სასვენი ნიშნამდე სქოლიოს გამოყენება დასაშვებია ცალკეული სიტყვის ან ტერმინის განმარტების მიზნით;

ცხრილები, დიაგრამები

ნაშრომში ცხრილები, დიაგრამები და სხვა ვიზუალური მასალა წარმოდგენილი უნდა იყოს: ცენტრში, TIFF, PNG, JPEG-ფორმატებში, დასათაურება უნდა განთავსდეს ცხრილის/დიაგრამის და სხვა, გამოსახულების ქვემოთ შრიფტის ზომა 8.

შენიშვნა: უფრო დანვრილებითი ინსტრუქცია ნაშრომის შესრულების სტანდარტთან დაკავშირებით ენვიეთ ეროვნული თავდაცვის აკადემიის ვებ-გვერდს www.eta.edu.ge

გაითვალისწინეთ:

1. საკონფერენციო ნაშრომის კრებულში დასაბეჭდად გამოგზავნილი ყველა ნაშრომი გაივლის შემოწმებას პლაგიატის აღმოჩენ პროგრამაზე „turnitin”. ნაშრომი, ფასდება დადებითად თუ: მსგავსების კოეფიციენტი არ აღემატება 10 %-ს;
2. საკონფერენციო ნაშრომის კრებულში დასაბეჭდად გამოგზავნილი ნაშრომები გაივლის ორეტაპიან ფარულ რეცენზიას დარგის ექსპერტებთან. ექსპერტთა დასკვნებს შორის სხვაობის შემთხვევაში, სტატია შესაფასებლად გადაეგზავნება მესამე რეცენზენტს. სტატიები დაიბეჭდება დადებითი რეცენზიის მიღების შემთხვევაში. სტატიაში გამოთქმულ მოსაზრებებზე პასუხისმგებელი იქნება სტატიის ავტორი/ავტორები.